

Liujcouh Guh Hozdung Aen Singhgiz Ndeu Lwnhgangj Doi-
gvangq Gij Vahbujdungh Daengx Guek Gaiq Daih Ngeihroek

柳州举办第26届全国推广普通话宣传周活动

9 nyied 6 hauh, Liujcouh Si Minzcunghvej, Luzcai Yen Vej Dungcanbu doxgap youq Luzcai Yen guh cawjdaez hozdung lwnhgangj bi 2023 Liujcouh Si “Lailai hawj vunz bae yungh gij vah gij saw daengx guek caemh yungh seizseiz hawj vunz laemxsim nyinhdingh Cunghvaz Minzcuz ranz vunz ndeu”. Gyoengqde aeu APP、aen hauh veihsin

vunzlai daengj youq gwnzmuengx gaenxmaenx doigvangq aen cwngzsi iq veihsin “hag vah coi doxgiet Liujcouh”, caiq guh hozdung lumjbaenz aeu Vahbujdungh cuengq sing doeg、biujyienj fwen foux minzcuz、miz ciengj ciengjap gij cihsiz couqmaenh gij eiqsik caezcaemh Cunghvaz Minzcuz daengj. Neix langhbaij le vunzlai gak minzcuz Liujcouh miz

aendangj dazyinx, yienghndei vwnzva minzcuz youh laiyiengh youh doxcaemh, vunzlai hix gag roxnyinh aeu doigvangq lai yungh Vahbujdungh coenghrenz lajmbanj saenqhwngh. Ngoenzde gungh miz sam bak lai vunz camgya hozdung.
(Lij Yinciz/李云驰 Huz Aiyinz/胡爱云 Liu Mungcez/廖梦婕 Lij Dingz/李婷)



▲Gyoengq yozyenz yenzgiu gij saw baj sigbei.

Ginhsiu Hai Ban Sonlienb Boux-
ciepcienz Sibsug Sigbei Yauzcuz

金秀举办瑶族石牌习俗传承人培训班

“Aenndoeng raeuz dwg bauj, gwndaenj aeu baengh de; mbouj bya Yauz hoj ce, mbouj faex Yauz hoj lix……” Mboengqneix, Ginhsiu Yauzcuz Swciyen guh bi 2023 aen ban sonlienb bouxciepcienz sibsug sigbei Yauzcuz. Aen ban neix son 《Gij Lizsij Sigbei Yauzcuz》《Seizgeiz Moq Sigbei Miz Maz Yungh》daengj goq; caiq lwnh youq seizgeiz moq fapldw fapgvi caezcienz, baenzlawz gya neiyungz moq haeuj gij gvidingh gij goeng’iek ndawmbanj, baenzlawz youq doengh aen mbanj miz diuzgen guh yizsiz dauq laeb sigbei daengj; caemhcai diucaz gij sigbei Yauzcuz lij miz geijlai gaiq ce daengz seizneix, gij gvidingh gij goeng’iek ndawmbanj moq guh ndaej baenzlawz yiengh、bouxciepcienz hag ndaej lawzyiengh daengj. Baez sonlienb neix daj 9 nyied 1 hauh guh daengz 16 hauh, gungh hajcib lai vunz camgya.
(Bangz Yaujvaz/庞晓华 Yez Mingzfungh/叶明峰 Liuz Bauj-cwngz/刘保成)

Bouxndaemcaz Cauhbingz
Ganj Yaeb Caz Begloh

昭平茶农赶采白露茶

Mwh begloh, gyoengq bouxndaemcaz Cauhbingz Yen foenxfoenx ganj yaeb caz begloh bae gai. Seizneix, daengx yienh ndaem miz ngeihhaj diemj roek fanh moux caz, bi ndeu canh cibngeih ik lai maenz ngaenz. Ndawyienh cib aen yanghcin bak itcib sam aen mbanj cungj miz vunz ndaemcaz, gungh cibngeih lai fanh vunz guh hong caeuq aen canjnieb mbawcaz mizgven.
(Vangz Yuzhuz/黄旭胡)



▲9 nyied 9 hauh, bouxndaemcaz youq ndaw suencaz yaeb caz.



▲Song mehlwg doengh fwngz guh va.

Lozcwngz Guh Soujgoeng Hozdung Coux Ciet Lauxsae

罗城开展手工活动迎教师节

9 nyied 9 hauh, daih samcib gouj aen ciet lauxsae yaek daengz, Lozcwngz Mulaujcu Swciyen youq Aen Bouqsaw Sinhvaz Singzsaw Mulauj guh hozdung bohmeb caeuq lwnyey caez guh soujgoeng “gamjniemh aencingz lauxsae haenhdanq giindei lauxsae”. Bouxlaux caeuq lwnyey yungh langj gak saek、dietsienq、raemxgyauh daengj guh ok lai duj va gyaundeih, aeu neix gyo-mbaiq caeuq aeueiq lauxsae.
(Veiz Yuzdai/韦如代)